

石

匱

書

石匱書卷第四

明 蜀人張岱著

仁宗本紀

昭皇帝太宗長子也洪武十一年生鳳陽二十八年冊為燕世子時秦晉燕周四世子高祖皆教而試之異日者使分閱衛士帝還奏後問之對曰寒甚士方食高祖喜使閱章奏擇其有大體可施行者報命高祖益愛之燕王起靖難帝居守北平堅

拒李景隆兵燕王既為皇帝尚以世子守北平既二年召立為皇太子文華寶鑑成 文皇召太子諭之曰脩己治人之要具於此書汝其勉之太子拜受九月學士王達進講乾九四爻舉儲貳為說講畢太子召楊士奇問曰經旨恐無儲貳之說達得無含訛否士奇對曰講官非正道不陳豈敢含訛此本宋儒胡瑗說也太子曰對我言此常人得此爻亦舉此說乎士奇對曰殿下此問最好程子云凡卦六爻人：有

用聖賢有聖賢用衆人有衆人用君有君用臣有臣
用太子悅七年巡幸北京命太子監國庶務惟文武
除拜四夷朝貢邊境調發等上請行在餘務悉啓處
分五月賜太子聖學心法書十一年 文皇巡幸北
京十二年親征瓦剌十五年復巡幸北京俱太子監
國十六年 文皇遣侍郎胡濙巡江浙諸郡令其伺
察皇太子所行諸事濙書所見七事皆誠敬孝謹密
奏以聞 文皇悅自是不復疑十八年北京宮殿成

詔太子赴北京過滁州登瑯琊山指示楊士奇曰此
醉翁亭故址也三代以下文人獨歐陽脩有雍容和
平氣象其奏議尤切直可觀命取歐集賜羣臣且諭
之曰脩之賢非止於文卿等當考其所以事君者勉
之十一月皇太子過鳳陽謁祭皇陵畢周步陵旁顧
張本楊士奇曰國家帝業所自也徘徊久之父老進
謁有知 太祖興隆時事者留從容與語賜勞優厚
過鄒縣民飢競拾草寔為食太子見之惻然乃下馬

入民舍視男女皆衣百結不拊體竈釜傾仆不治歎
曰民隱不上聞至此乎召耆老問所苦輟食賜之山
東布政石執中來迎責之曰為民牧而視民窮如此
亦動念否執中言被災處皆奏免秋糧太子曰民飢
且死尚及徵糧耶五日內悉蠲官粟賑之不可緩執
中請人給三斗太子曰且與六斗汝勿懼擅蠲予見
上當自奏也太子至京奏之文皇曰昔范仲淹子
堯夫猶能解麥舟濟父故舊況百姓吾赤子乎又

皇晚年以疾多不視朝中外事悉付太子處分寺人
黃儼江保等數為趙王短太子於天皇太子幾危
者屢官僚若楊士奇輩為太子下獄贊善梁潛司訓
周冕死獄中然太子益恭慎亦賴士奇塞義夏原吉
羽翼之有白曰殿下知諛人乎曰吾不知：為子太
子五出監國遇水旱饑荒軍民失所戚為賑恤之暇
與官僚鄒濟王汝玉徐善述等講說詩書修詞賦以
業日記萬言辭翰並精車駕崩榆木川遺命至太

子慟絕強拜受遂命皇太孫迎梓宮開平臣民三勸
進以八月望日丁巳即皇帝位大赦天下以明年為
洪熙元年出夏原吉黃淮楊溥於獄復其官勞原吉
咨以政賜冠帶衣服被褥幃帳咸具原吉言臣在繫
母喪乞歸葬成服上曰我獨無喪卿老成人宜艱
難共濟命其家屬護葬兵部驛舟有司治葬事復厚
賜之上曰古稱官不必脩令冗矣抑復有老病昏
懦徒怠賢庶心其令在內堂上官在外巡按御史及

按察司廉察不者罷之台漢王高煦至京與趙王高
燧並厚賜之九月掌交趾都督同知方正與黎利戰
义安指揮同知伍雲深入死命禮部賻贈上曰京
師數百萬家非山何藪禁天壽山接居庸關以東餘
聽熊採爲交趾都指揮同知陳忠與賊黎利戰死之
命禮部厚卹之諭鴻臚寺官曰朕欲聞吏賢否四方
民休戚方岳來朝即引見朕親問之左通政樂福治
水蘓松嘉湖杭常奏六府水沒稼請寬征待來年

上曰民之艱食來歲匪易令代以鈔布 上諭兵部
今太僕馬增數倍而畿民一夫或畜三匹四匹畢力
於此耕桑盡廢其散馬給諸衛所及臨邊戍卒養習
之惜薪司奏准歲例北京山東棗八十萬觔為宮禁
香炭之用大學士楊士奇言違恩詔請減其半 帝
嘉納之詔止西番取寶船罷海子至西湖巡視官謂
尚書蹇義曰古者山澤之利皆與民共之朕心凡可
利民者雖府庫之儲不吝況山澤所產哉十月冊妃

張氏為皇后冊立太孫為皇太子封鄭越襄荊淮滕
梁衛八王命光祿寺三曰一賜衛士酒肉以禦冬命
蘓松等府被火災處今歲秋糧悉折輸布鈔如永樂
五年故事石輸布六疋鈔六錠十一月 上謂侍臣
曰方孝儒輩皆忠臣宜從寬典其家屬初設教坊司
錦衣衛浣衣局及習匠奴功臣家今有存者可宥為
民還其田土趙王高燧奏辭常山左右二護衛從之
作觀天臺於禁中十二月 上御右順門諭楊士奇

曰近覺羣臣助我也或快意行事退思方悔外間已
進言士奇對曰宋臣富弼有言願不以同異為喜怒
不以喜怒為用舍上曰書不云乎達於汝心必求
諸道朕恒念之羣臣言間啼朕意退未嘗不反覆朕
言有失亦未嘗不悔士奇對曰改過不吝成湯所以
聖也上朕患不知耳不患難改刑部都察院奏刑
名畢台論曰朕未嘗敢以喜怒損刑法卿等明信蒞
之如朕一時嫉惡遇中更湏執正毋慮乖迂朕不難

從善論夏原吉曰稼穡閭農絲枲閭婦鈔法不通朕
商卿兩日未決其問之間閭可榜通衢許臣民陳所
見命戶部馳諭各府州縣凡被災田土悉准永樂二
十年山東逋租例蠲其糧稅常州諸縣水蠲糧稅勅
禮部下天下有司繕治郡邑壇宇歲久傾墊者祭器
竝堅潔祭物出公帑毋歛於下禮部尚書呂震請明
歲受大朝賀不從固請大學士楊士奇榮幼孜准言
陛下所見是上曰山陵甫畢何忍也震曰四方萬

國遠親新至皆欲一觀天顏聖孝誠至亦宜勉徇
上顧四臣禮遇美皆對曰則請無脩禮

洪熙元年正月 帝御奉天殿朝羣臣設樂不作南
京龍山產異芝禮部請賀不許兵部尚書李慶言畿
內民困牧馬請中原及江南諸大省羣臣以朝覲至
者悉給與一馬騎坐正官牝佐貳以下牡太僕苑馬
歲課其息虧者同民對後之已上曰審思乃未當使
士牧民而責以馬遂罷建弘文閣大祀天地神祇奉

皇祖皇考配還朝羣臣行慶成禮詔天下大賜宴勅
曰自冬迄今時雪不降來年未遂無如吾農何朕方
惕厲自省列卿亦懋修乃職贊召和氣欽哉命內官
監太監鄭和領下番官軍守備南京命北京諸司悉
加行在二字復建北京刑部及行在後軍都督府
帝決意款復都南京使魏國公顯宗學於國子諭司
業貝泰曰此開國元勳後款其家同國久必令奉法
循禮且顯宗孤子也加意誨之使長不失其祿位因

賜泰鈔幣隆平縣民饑柘鄉縣多貯官麥請以貸之
上曰飢即賑毋曰貸詔曰刑以禁暴止邪豈專誅殺
哉皇祖律令善：長而惡：短罰之輕重咸遠厥
中吏比附謬妄傳致死罪朕深憫之夫五刑之條莫
甚大辟身首異處斯已極矣自今有犯死罪當凌遲
者依律科決餘斬絞罪法司並勿傳會若朕嫉惡偶
遇律外用籍沒凌遲刑法司再三執奏三不允至於
五：不允同三公大臣執奏乃已永為制文武諸司

自今亦不許法外用鞭背等法尤不許聽人自言凡
自言求用者絕其祖宗父母幸富貴豈有心事君今
有自言者以不孝論人之為非父子不相謀是以舜
罰弗嗣文罪不孥自今犯謀反大逆者依律連坐餘
止其身古之盛時采民言資戒警今凶險之徒撫為
誹謗一言涉國輒呈此名法吏刻深鍛鍊刑之失中
民則無措今後告誹謗者一切弗治趙王高燧之國
彰德命征夷將軍榮昌伯方智率師討交趾黎利徙

岷王梗於武岡遣漢王高煦子瞻圻於鳳陽守陵四
月詔免山東及淮安徐州夏秋糧之半停罷一切官
買物料有自南京來者奏事上召至榻前問民所
苦對曰淮徐山東飢有司急夏稅上召楊士奇命
草詔免之併秋糧官買物料一切停罷士奇曰請使
戶工二部臣與聞之上曰救民之窮如救焚拯溺
有司虞國用必持議不決是時上坐西角門命士
奇就西角門起草士奇草詔曰朕夙夜念民弘詔下

隱山東諸郡及於淮徐頻歲旱澇今秋成未冀民凍餒呻吟流於道路郡縣不畜心父母耶可全免今歲夏糧其秋糧減半徵收自今年四月以來一應收買及科派物件未到官者盡行停罷若寔無見物先虛報在官者宥不問不許再科以足其數諸郡縣撫輯安養毋貪刻重困之 上曰善立命書詔用璽顧士奇今可語二部矣左右咸言地方十餘里其間未必盡無收宜有分別庶不濫恩 上曰恤民寧過厚焉

天下主寧與民寸：計較和鄭府審理正俞建輔言
邇來賓興之士多務咕嗶濫及匪人當令有司先行
博訪務得識古通今行止端重年過二十五者方許
入試：則選其文詞典雅議論切實者進之庶幾士
務實學而國家得賢才之用 上允行之 上曰南
士善文北士厚重今科舉所進北得什一為禮部其
定議南士六之北士四之命皇太子往南京謁祭皇
陵孝陵因留南京監國時南京屢奏地震羣臣請親王

及重臣往守之 上曰非皇太子不可遂有之命

上御門塞義原吉士奇侍 上曰夜見玄象否皆曰

未見亦不知 上曰士奇當知之紫微垣甚急命矣

歎息起明日召義及士奇至奉天門曰監國二十年

為諫隱所構心之艱危吾三人共之賴 皇考仁明

得以保全言已 然義士奇亦淚涕對曰 先帝之

賜 陛下孝誠之效今已脫險即夷 陛下自寬

上曰即吾去世後誰復知吾三人同心一誠遂賜義

士奇勅印各二義印曰忠貞士奇印曰貞一皆拜受
退有進言太平之政者上召蹇義原吉崇士奇以
其章示之義等對曰陛下即位以來詔書勅旨無
非仁政百姓無科歛之擾徭役之繁可謂治世士奇
對曰臣觀陛下恩澤已覃被天下但流徙尚未歸
瘡痍尚未復何得遂言治平上笑曰吾意正為此
也朕與諸卿相與至誠去年各與繩愆糾謬圖書切
望匡輔惟士奇曾進五章義三人皆無一言豈朝政

果無缺生民果皆安乎三人有慙色五月上諭蹇
義曰御史當任老成者遽授少年新進遇事風生以
喜怒為威福正直不阿被其凌侮順比則與為膠漆
自今慎選之又曰都御史惟清廉公正乃可倡率尚
咨可都御史者翰林侍讀李時勉侍講羅汝敬言事
上怒使武士擎時勉皆改為監察御史頃之下獄是
月十一日上不豫召蹇義楊士奇黃淮楊榮至思
善門命士奇書勅遣中官海壽馳召太子於南京次

曰大漸遺詔天下是日 上崩未幾寢沐浴襲黃飾
含如禮設几筵宮中朝夕哭上食六月辛丑皇太子
至乃發喪歛壬寅大歛甲辰成服七月己巳上尊諡
曰昭皇帝廟號仁宗九月庚午葬獻陵

石匱書曰穀梁子言泰山之雲觸石而出膚寸而合
不崇朝而雨天下言其澤及萬物而人不及知也

仁宗在潛邸時蒼生已沐其霖澍雖年不副德臣民
悼之然論其五當監國一出賑飢其湛恩汪濊已二

十年父母天下矣嗚呼豈不仁哉

石匱書卷第五

明 蜀人張岱著

宣宗本紀

章皇帝仁宗長子也生之夕 成祖夢 高祖授以
大圭命曰傳之子孫永世其昌既數歲試之事輒刺
決稱旨 成祖愛之年十一以從狩北京日侍左右
隨事訓教常命述過觀田家問所疾苦作務本訓授
帝：讀書一目數行盡裘皆舉經史百家莫不涉意

永樂九年立為皇太孫三徙征胡於馬上指示胡山川故上自少曉兵略善騎射仁宗即位冊為皇太子其春以南京地震命往撫治上旋不豫既大行宮中秘不發喪以遺命召上顧臣稍聞上崩其時滿庶人蓄反謀傳言將要劫羣臣或請蹙兵旋或請出閣道上曰君父在上天下歸心豈有他虞遂傳詣京師六月己亥至蘆溝既乃聞絕慟左右掖聽遺詔行哭入宮門詣梓宮拜哭盡哀頒遺詔天

下癸卯臣民三勸進庚戌即皇帝位大赦以明年為
宣德元年甲寅聽政西角門罷遣內史市物浙江及
諸衙門派辦行在吏部尚書塞義言內外官吏先
帝時坐罪蒙赦有托喪而亡者上曰父母之恩竝
於天地人至不肖有死其親以潔其身者哉君子不
逞詐其有之鞏昌知府孫璽任滿當去安平丞耿福
平度州同知王瑄昌邑主簿劉慤以冗員當汰者民
詣關留皆復其官予交趾諸生衣服七月尊母后為

皇太后冊妃胡氏為皇后勅脩 仁宗實錄八月魯

王肇輝進瑞粟有一莖至二十穗者尚書呂震請賀

不許行在工部奏內供綺羅九十疋常下藕杭織造

上曰減其半九月秋雨傷稼除萊陽蘓杭嘉湖諸縣

稅糧行在大理寺奏民有盜殺官馬者坐絞 上曰

柰何以馬殺民發戍邊行在工部奏造御器當市料

上曰漢文帝服御幃帳無文繡之飾朕甚慕為造器

物料內庫幸不之其止勅榮昌伯陳智都督方政征

交趾賊黎利十二月大名民奏留其丞賀禎擢為知
縣海寧縣逃民復業者九千一百餘戶免其夏稅勅
曰京師庶政所出文武羣臣旦夕趨事才智不齊寧
無過差其自洪熙元年以前所犯罪名悉與前除俾
自新

宣德元年正月丙申朔上釋服視朝奉天門勅曰
朕嗣承鴻業惟天惟祖宗付畀夙夜祗敬不敢怠寧
茲肇歲改元一新天下祖宗簡任爾文武羣臣遺於

朕躬爾惟懋哉殫慮勤力用恭乃職不惟我國家爾
亦有無窮之間將郊上致齋武英殿與羣臣習儀
殿上以示尚書鑒義等曰祭享之禮莫嚴於此朕敢
不敬慎郊還謁皇太后御正朝百官行慶成禮嚴京
城捕盜禁二月禮部進籍田儀注上謂侍臣曰人
君耕籍貴有寔心誠能薄賦輕徭重農貴粟則明德
馨香自達冥漠不然三推五推祇兒戲耳三月止籍
王選婚於朝令自行國中四月陳智方政討黎利敗

於茶龍 上命成山侯王通佩征夷將軍印充總兵
官都督馬瑛充恭將以土兵二萬人征交趾尚書陳
洽奏贊其軍制陳智方政爵使立功自贖御製外戚
事鑒歷代臣鑒書成青州飢有司議賑戶部請蠲糶
上曰覈而後賑將來之溝壑其令從便宜行事五月
諭三法司平恕錄獄戊申午朝退舉罪夷中鋤木詩
曰吾每誦此敬畏而戚農勅右都御史王彰自良鄉
至南京視民休戚以所見聞六月畿內河南蝗命使

者驛捕七月嚴鈔禁 上曰東民仰麦大半以旱不
成秋稼未可知可除今年夏稅異時詔書所寬恤輒
曰已先賦或曰災未甚追徵自若謂信令何其命小
東有司毋得復擾以副朕意八月漢王高煦反樂安
上親征獲之以歸更樂安州為武定州作東征記高
煦犯乘輿燔之五色雲見碭山民乞其故知縣劉伯
吉聽十月南京刑部奏決囚 上曰古者獄成公卿
參聽之行在刑部都察院大理寺其會羣臣再錄以

開成山侯通擊交趾不利尚書陳洽死之飢賑湖廣
諸縣出行在翰林院侍讀索時勉獄復其官十二月
以征漢復大軍所過州縣前有蹂者除秋租勅兩京
刑部都察院錦衣衛具獄狀期以三日聞上曰堯
舜之世民不犯成康之世刑不用是皆君臣同德故
致理如斯之隆也以朕涼寡民之不孚不敢喜情卿
原宥等其勉力匡輔庶幾逮古及上獄上親決其
輕罪者命安遠侯柳升為征虜副將軍保定伯梁銘

為征虜左副將軍出廣西黔國公沐晟為征南將軍
興安伯徐亨為左副將軍新寧伯譚忠為右副將軍
出雲南領兵七萬會征交趾兵部尚書李慶贊其軍
工部尚書黃福往再鎮之

二年正月申明屯法勅曰朕仰惟祖宗創守之艱兢
惕宵晝遵成憲以撫天下賴天之祐海宇清寧五穀
遂成惟吾臣民共享之特賜百官上元假十日在京
軍民飲酒張燈為故事二月成山侯通擊敗黎利三

月調發官軍四萬八千有奇益征之作西漢循吏論
示人臣四月增置督農官一員於蘓松嘉湖杭屬縣
免晉王濟潢為庶人以陝西不歲止一切買辦五月
命陽武侯薛祿為鎮朔大將軍清平伯吳成為副總
兵禦虜開平 上親閱獄遣輕繫七月諭三法司曰
虐暑朕與卿等深居突處猶畏煩蒸矧繫囚哉若欺
毒薰鬱病疾死者虧傷和氣不累陰德邪有應罰從
應違者連簡勘以聞 是月也 上三閱獄遣輕繫

八月陽武侯祿清平伯成破虜獻俘還京奏功有差
九月安遠侯升遇賊死監留閩古恭將崔聚郎中史
安主事陳鏞李宗旺皆死之 上曰比聞平陽夏秋
亢旱稼穡不登他州縣皆不以聞有畏忌乎其勅山
西布按二司察旱傷所在免其賦令有司加撫綏毋
使流移封李英會等伯十月以天氣嚮寒命三法司
簡輕囚 上親閱狀出之旱蠲卹山東陝諸縣十一
月交趾賊黎利奉表請立陳氏後成山侯通等不請

命盟利而退師詔曰安南疆於海界衣冠名長不屬
股肱大明受命其國王陳日煚恭天之威首先百變
歸誠我太祖高皇帝遠於後嗣一心終始賊臣黎
季犛父子檢惡弑君篡國屠害交人靡告我太宗
文皇帝愍其覆絕出師致討生擒光渠求故王後立
之屬族逃竄歷久勿獲乃割制為羣縣來撫綏之吏
不得人致其弗靖以歷王師冒露寒暑朕忍一隅獨
淪墊溺交人思陳之光曰其遺孤尚存念為請命

甚契朕所以奉祖宗之繼絕意安社稷民無大小皆
赦之安南耆老具萬寔以聞毋封朝貢如洪武中故
事成山侯通等所置文武官吏皆班師解職還京以
寒氣至休百工乙未皇子生大赦天下十二月申明
捕盜法陝西早命有司開倉賑濟出絹五萬疋綿布
十萬疋給其尤艱食者止一切徵科作書魏詩示行
在戶部尚書夏原吉鎮守浙江太監裴可立奏按察
司林碩阻格詔書命逮之既至上曰但實對無怖

碩對臣往為御史按浙小人不便臣今至官未久又
慮不便故以謬語太監臣於太監無事忤也 上曰
朕固未信逮爾而問今白矣可馳驛之官

三年正月元夕賜文武近臣觀燈萬歲山賜宴文武
賦詩以獻賜之鈔二月名皇長子戊午立為皇太子
丁卯奉皇太后游西苑上壽萬歲山獻詩頌德勅三
法司慎刑復北流知縣李植黃嶢知縣劉道成進祿
一級 上曰欲福吾民急在郡縣得良守耳吏部奏

御史靜御史旭御史克敏御史麟考最九載當授方面官可悉遷知府御製帝訓二十五篇三月胡皇后遜居別宮立貴妃孫氏為后四月閱獄遣輕罪山西飢禁逐流民以檀盟黎利還師下成山侯通與都督瑛為事官陳智方政李安布政使戈謙等獄籍其家五月以臯獄頌繫刑部尚書金純上親閱狀遣其輕罪者交趾黎利言陳嵩死後遣行在工部右侍郎羅汝敬詰責之再訪以聞卹交趾死賊諸臣後免

汝南王有燠新安王有燠為庶人作酒論訓百官

上聞罪出輕四六月太原大同遼沁汾諸州縣旱

上曰郡縣告飢者衆朕黷康勸令無敢後其令有司

熟講救荒政七月以通政使顧佐為行在都察院右

都御史勅令考察不肖洗滌積弊佐奏出其屬御史

不肖者三十餘人上命貪淫不法者黜遼東衛充

軍不達政體者降典史老疾罷為民享國上御便

殿召寔義夏原吉楊士奇楊榮與語良久乃曰此旁

有茅舍數楹乃朕致齋之所雖出潦草亦效古人茅茨不剪之意卿等可徧觀之觀畢上臨河舉網連得魚數尾令中官具法膳以魚賜食令盡醉歸八月皇年祁鉦生龍陽武陵水恤之丁未田而視兵於三河見三河令曰三河水善撫我民九月庚戌至薊二歲上曰安得它郡縣歲如薊慰其吏曰故漁陽郡也張堪為之樂不可支辛亥至喜峰口兀良哈逆萬人寇寬河上以鐵騎三千薄之親射殪其前鋒三人兀

良哈望見黃龍之旗皆拜丙辰斬其酋渠擒六搜山
戊午享諸將會州製歌步士壬戌駐蹕鐵將軍店解
俾飲食之忠勇王金忠都督把台獲虜及馬牛羊至
飲而賜之金罍既班師上射虎喜峰中之癸酉還
京十月上曰古者師保之職論道經邦不煩以政
少師義少傅士奇少保原吉太子少傅榮皆我祖宗
簡在臣黃髮彌亮尚治有司非朕優眷老成意可各
輟所務朝夕朕側討論至理用軍家邦職名俸祿悉

如故 上聽儒臣講春秋賜坐啜茗雪賦喜雪詩罷
遣衛士工役七月以上者十一月收繫指揮鍾法保
請採珠束筦者 上曰風氣夜寒邊士可念也守瞭
閤墪者毛襖狐帽急予之弊者曷以新十二月澤沁
水蒲靈石及平陽諸州縣霜殺穀命速賑毋留

四年正月 上諭學士楊漣曰滄海之大江河助之
古君臣更相戒飭所以致理稱良也輔德陳過卿等
勉之母諛勅行在三法司刑罰所以輔治罪惡重者

極典不原也有誼獄于連朕夙夜在心欲與之求情
其令祿犯死罪以下得贖米二月歸虞再見來安止
賀教曰五刑之屬三千莫大不孝有慈父妻及收兄
弟妻者送京師治之武臣及子弟犯者其職毋襲著
為令四月薦鮮魚奉先殿奉嘗大學士士奇等初致
賜酒製詩屬和上曰今日君臣當以卷阿相易五
月上親決獄遣輕罪止捉辦科買七月廣東進白
鳥二章文淵閣賜少保士奇等鈔有差九月申明裁

種桑求令勅朝鮮國王陶曰王問者薦其遠誠海青
鷹犬不以寔苑囿遣使來獻使還答王陶器十五儿
王國誠多恠獸珍禽然非朕所畜幸自今已之十月
上作猗蘭操以示大臣曰孔子自衛反魯而操猗蘭
傷不過也朕虞谷中之賢有不仕者輒擬斯篇夫以
人事君卿等所謂大臣也十二月朔霜寒甚命光祿
賜在廷文臣羊酒曰皇祖考時旦嘗有賜朕今忘之
追免鳳陽及京師裏八府水灾田賦

五年正月兩朔寔錄成二月罷採木軍夫遣歸農

上侍皇太后章天壽山謁陵上察鞭導騎步掖過

河橋三月辛丑朔雨製皇陵春雨詩警邊閱馬親割

鮮上皇太后頒文武大臣乃自御清明節奉皇太后

祭陵賜從官豆粥獻大德頌於太后戊申上省農

道中三推其耒耜農人皆呼萬歲賜鈔六十遂徧賜

道傍諸農家四月命陽武侯祿豐城侯賢等築獨石

雲州赤城鵬鷄堡五月追奪賊吏詰勅著為令六月

蠲河南三年以前逃民逋租獨石雲州赤城鵬鶚堡
成遂棄關平免步涑水復業逃民九百九十五戶賦
遣太監鄭和持詔諭諸番遣捕蝗畿內命行在戶部
尚書郭敦因往歲捕蝗之使聞不減蝗鄉尚飭而後
遣之設雲南騰衝州七月嘉禾產太廟側止賀八月
己巳朔日當食陰雨不見禮部尚書濬請賀不許九
月免揚州復業民千二百二十九戶唐縣復業民二
百九十五戶羅縣復業民三千四百七戶稅糧有差

乙卯巡近郊己未還十月丙子閱邊丁丑駐蹕龍虎
臺召英國公輔成國公勇尚書義學士士奇榮幼孜
溥等至帳中論政酌之酒己卯獵居庸進鮮太后遂
燒荒癸未見宣府總兵譚廣於泥河賜綺紗乙酉視
師洗馬林師整上悅勞將帥丁卯獵戊子回鑾命
都督義仍獵以警虜壬辰還京遣都御史賈諒巡視
江西利病十一月沅陵虎上曰能使渡河者何人
也勅其守令修政十二月己卯雪尺作喜雪詩賜羣

臣寧羣臣進和語有儆戒 上錄而為之序囚臨刑
擊登聞鼓訴寃命書其情詞進著為令丁亥會舉星
見凡旬有五曰乃減 上曰惠民無寃謂詔書何間
者郡縣數水旱民賦未充有司迫逼至於逃遁其許
以鈔絹布代准民間直收之自三年以前者 上曰
民七十以上及廢疾者一子侍詔書也諸衛所勾軍
豈無父母老疾家獨子者其覈而傳之近地敕浙
江巡撫侍郎成均築捍海隄

六年正月以湖廣旱罷採木免安邑復業民三千七
十一戶元年二年稅糧萬七千有奇二月作招隱詩
求賢下御史陳祚獄三月增設府縣佐貳官專撫逃
民六月黎利再奏陳嵩死亡後命利署安南國事製
憫農詩示吏部尚書郭璉曰為朕慎擇賢守令免開
州逃民多年秋糧八百九十五戶七月上閱獄囚
遣輕罪疫卒楊士奇第八月浚白塔河十月丙午巡
近郊十一月趣工部領邊軍襄帽勅曰上天之德好

生而已寒嚴囹圄中有可憫者三法司錦衣衛速逆
輟斷若常體勘待對出之母淹十二月袁琦以採辦
名私遣其黨巨隊等十人虐歛於廣東凌遲之太監
唐受虐歛於南京梟首南京市誠內官內使毋怙寵
作威免大明廣平真定河間徐諸縣水災田糧及長
沙縣復業民稅糧千六百七十七戶

七年正月辛酉朔日食勅羣臣謹天戒命刑部都察
院觀政進士系鞠獄囚二月免長平縣逃民五百三

十三戶二年至六年稅糧 上親閱獄遣輕罪戍戍
有事大社大稷雨賦甘雨歌令衍聖公孔彥緡傳而
觀三月 上諭禮部尚書洪曰朕聞者以官田賦重
詔減十之三聞戶部多不遵守甚者與有司期陰爲
慢格令關恩何等咎也四月以山西旱免其逋賦二
百四十五萬四千八百石五月龍駒出山西 上曰
西之不歲繼踵告天一歎之異足活民邪羣臣欲表
賀可止之六月罷內官入番買馬製官箴三十五篇

敕有位七月免揚泰水灾田租二萬二千九百三十
餘石賦幽風詩揭便殿八月勅曰朕思得賢才共圖
治理寢食念之令朝臣三品以上舉爾所知復賦招
隱猗蘭告之朕意近惟少傅士奇薦舉交趾南靈州
知州黎怙吏部員外郎魏驥等諸臣曠日積月無一
人焉囑穀宦六豈虛無人哉吏部其會三品以上官
推擇才行文學之士方面州縣儒童舉與都察
院奏黜之因遷擢驥等十九人官有差嘉禾嘉瓜出

陝俱止勿賀勅選將嚴達置濟農倉蘇州九月戶部
言宛平縣民以果園地施崇國寺請蠲其稅上曰
民地衣食之資乃以施僧且求免稅甚無謂令並以
還民

八年正月丁丑祀南郊還朝羣臣行慶成禮戊辰大
宴故事先郊朝上止朝詣郊既至視牲品飭太常
其夕雪霽及還宮既慶成內臣請張燈如故事上
曰明日常宴百官毋以樂散敬二月賑河南飢却使

者上閱獄狀遣輕罪三月命民越訴不寔者發戍
邊四月修廣寒清暑二殿歲書其中奉皇太后游宴
賜羣臣縱游西苑五月選幼軍侍東宮六月旱蠲兩
畿山東河南屬縣租稅勅三法司曰比命䟽理獄囚
念炎暑也旬日矣寂不奏謂朕虛文邪當死罪者張
繫之餘期以五日遣頒質理者聽保領存在毋遲馳
諭中外具如勅七月置武騎驍驤四衛八月上曰
聖人用兵皆不得已不以小寇動衆比者雲南摩沙

勅刁雍作亂黔國公沐晟請討非朕意其先遣人撫
諭之不服乃兵期得刁雍即已戊午景星見止賀尾
刺順寧王脫歡遣使來朝廷臣言明使者三人尾刺
皆未返宜留之上曰尤而效焉非禮也勅曰明三
使人於王矣皆未返我國家撫遠甚厚王亦效誠意
阻於道路乎使歸遣之九月勅曰朕體好生夙夜念
刑庶幾欵哉之義三法司取決重囚憑章自安得察
顏色吏廉明者分遣覲囚審覆不厭其心者識之毋

輕率枉死人

九年二月再頒兩畿河南山東西寬旱詔製思賢詩
三月以水旱賑常揚徐順德保安登州諸屬縣四月
上閱獄大貸囚五月命痊露屍 上曰朝廷優卹軍
士贍以衣食使感恩而勇公戰也比聞官旌吏胥率
侵牟其月糧布絮主者或黃緣下鄉以其糧絮易賄
充饋送則蛇豕也欲便按法行誅謂朕不赦而殺自
今都察院中嚴犯者死家戍邊六月免涿文安鉅鹿

二十餘縣稅糧有差七月兩畿山東河南諸郡縣蝗
覆地尺遣驛捕而寬畿內諸縣稅租八月命水旱蝗
蝻之處軍民孽牧及乘操馬虧斃者悉免償復勅撫
按官躬視之免今年秋糧七糧十之四止工部派辦
物料即不被災郡縣亦從緩輸毋得迫逼虐刺順寧
王脫歡遣使入朝告殺阿魯台請獻前代玉璽勅曰
王克紹爾先王之志遣人來朝進馬具見勤誠聞殺
阿魯台尤見王之克復世仇所云玉璽欲獻已悉王

意然觀前代傳世久歷年久皆不繫此王旣得之可
自留用九月癸未上巡邊出居庸至懷來萬全見
故和寧王阿魯台子阿卜只俺朝使諸將請因獵掩
虜不許十月丙午還京權署安南國事黎利死命其
子麟襲署虜寇涼州總兵官劉廣追擊之不及還勅
曰今西北胡虜敗者離散勝者驕縱當嚴兵保境寇
來則戮去勿追之十一月故和寧王阿魯台部落把
等率家屬來歸十二月命阿卜只俺為中軍左都督

賜第宅諭尚書胡濙曰水旱飢厲四方薦告天災頻
仍民何以堪朕深憂懼卿等勉圖匡濟有可回天拯
民者具悉以聞製洪範序

十年正月 上不豫初三日 上崩壽三十七時皇

太子方九歲浮言藉：議立袁蒲楊士奇楊榮張輔
入視臨卒哭請見皇太子即叩頭呼萬歲羣臣亦呼
萬歲浮議乃息初十日皇太子即位時幼冲或請皇
太后垂簾聽政不許 上乃詔凡朝廷大政白太后

然後行正統元年五月丁酉上尊謚曰章皇帝廟號宣宗六月辛酉葬景陵

石匱書曰宋徽宗一事不能謂其分心於書畫骨董也我明章皇帝翰墨匠藝寔是百倍徽宗至其丕承謨烈又超軼父祖而上之則漁澤陶演鼓琴擊磬又何足以累有虞之盛德哉至今民間得其一銅一甕微至一赫蹄一隄縻直歆與鼎彝爭重則彼龍螭之鼎與烏號之弓又寧止以精良見寶也哉